

Delegasi UMS lawat Tokushima University, Jepun

UB 29.10.17 B1

DELEGASI Universiti Malaysia Sabah (UMS) telah mengadakan lawatan ke Jepun dalam usaha meneruskan kerjasama kedua-dua institusi tersebut memajukan agenda kelestarian global.

Program tiga hari itu terdiri daripada aktiviti melawat ladang organik dan sebuah institut pertanian tempatan, mengalami inap desa rumah tradisional dan hospitaliti Jepun, serta membentangkan kertas penyelidikan di dalam Seminar Antarabangsa Masyarakat Global Lestari 2017 di Dewan Keyaki, Kampus Josahjima di Tokushima University.

Program ini selaras dengan Matlamat Pembangunan Lestari PBB ke-4.

Kerjasama ini dimulakan pada tahun 2015 oleh Prof. Dr. Makoto Ohashi dari Universiti Tokushima, Prof. Madya Dr. Azwan Awang dan Dr. Awangku Hassanal Bahar

Pengiran Bagul dari Universiti Malaysia Sabah.

Setakat ini, kerjasama di antara dua institusi ini telah menghasilkan empat seminar antarabangsa, lebih daripada empat puluh kertas penyelidikan dan penerbitan dalam jurnal antarabangsa.

Pada tahun ini, terdapat sepuluh pensyarah terlibat dalam program ini dari

Fakulti Pertanian Mampan, Fakulti Perniagaan, Ekonomi dan Perakaunan dan Institut Biologi dan Pemuliharaan Tropika, Universiti Malaysia Sabah.

Sebanyak 16 kertas penyelidikan yang dibentangkan di seminar antarabangsa dari pensyarah Universiti Malaysia Sabah dan Universiti Tokushima yang

bertemakan kelestarian global.

Pada tahun depan, 2018, Seminar Antarabangsa Masyarakat Global Lestari akan diadakan di UMS bersama perwakilan dari Universiti Tokushima buat kali ketiga.

DR. AWANGKU Hassanal Bahar menerima cenderamata kenangan daripada Prof. Dr. Yoshihisa Takaishi.



DR. AWANGKU Hassanal (tiga dari kiri) dan **Prof. Dr. Yoshihisa Takaishi** (tiga dari kanan) bergambar bersama delegasi UMS.